

改  
官家文算

和書門			
類	號	函	架
一	八	三	一
二	三	〇	二
六	一	〇	六

內閣文庫			
類	號	冊	架
和	書	一	八
三	一	〇	二
六	一	〇	六

內閣文庫			
番號	和	18318	
冊數	6 ( 2 )		
函號	205	70	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM. Kodak



管家文草第三

詩三

早春內宴聽官妓奏

柳花怨曲應製

後讀

則刺史之作向後五首未出京  
城之作仁和二丙午年四十二



宮妓誰非舊李家就中脂粉惣思華應緣奏曲

吹羌竹豈取含情惡柳花舞破雖同飄綠朶歡

酣不覺落銀釵餘音縱在微臣聽最歎孤行海

上流

予為外吏幸侍內宴裝束之間得預公宴者雖有舊例又殊息也王公依次行酒詩



臣相國昭宣公以當次又不可辭益予前佇立不行  
源史吟曰明朝風景屬何人一吟之後命  
予高詠蒙命欲詠心神迷亂纔發一聲淚  
流嗚咽宴罷歸家通夜不睡默然而止如  
病曾塞尚書左丞在傍詳聞故寄一篇以  
慰予情

自聞相國一閱脣何以風光有主人忠信從來  
將竭力文章不道獨當仁舍誠欲報義恩久發  
詠無堪落淚頻若出阜城思此事定啼南海浪

花春

尚書左丞錢席同賦贈以言各分一字探得時字

左丞  
佐世

贛州刺史自然悲悲倍以言贈我時贈我何言  
為重寶當言汝父昔吾即

相國東閣錢席探得花字

為吏為儒報國家百身獨立一息涯欲辭東閣  
何為恨不見明春洛下花

北堂錢宴各分一字探得遷字

我將南海飽風煙更妬他人道イハテラ左遷セリテ倩憶セリト分憂  
非祖業併個孔聖廟門前

中途送春以下二首  
行路之作

春送客行客送春傷懷四十二年人思家淚落  
書齋舊在路愁生野草新花爲隨時餘色盡鳥  
如知意晚啼頻風光今日東歸去一兩心情且  
附陳

途中遇中進士便訪春試二三子

遇逢知友立中途便謝諸生恐舊儒補送書篇

三百字

補逸書  
試題之

不知詎得一明珠以下三十四

得故人書以詩答之

以下三十四  
首到州之作

拆封知再改風光讀未三行淚數行先悶秀才  
占夏月傳聞藤秀才五月  
可策試秀才春海更思進士泥春場寄  
身雖苦爲南海投步猶安目北堂努力君心能  
努力存亡應在此文章

金光明寺百講會有感

三十日來草不青今朝雨降捻神靈何爲頂上  
重加頂永戴仁王般若經

早秋夜詠

初涼計會客愁添，不覺衣衿每夜霜。五十年前  
心未懶，二十石外口猶掛。家書久絕吟詩咽，世  
路多疑託夢占。莫道此間無得意，清風朗月入  
蘆簾。

新月二十韻

百城秋至後，三諫月成初。碧落煙氛盡，黃昏晝  
漏餘。退衙西顧立，尋寺上方居。玉縷風頭畫，銀  
泥日脚書。政將心緒急，忌却眼珠除。仰有纖纖

著行無皎皎，舒排雲驚度。鴈投水誤，遊魚鳳腦  
光相似。蛾眉細不如，藏應容掌握。動欲任吹噓，  
少婦看珍重。詞人翫忽諸，推量葦影薄。想像桂  
枝疎，庾令登樓懶。王生命駕徐，浪花晴嶋嶼。露  
葉映芙蓉，旅客愁而已。詩情樂只且，照勝冬雪  
讀明助。夜潮漁屬思，江舟棹宜瞻。野草蘆平沙，  
雨點檢曲浦。獨蹑踏觸事高，乘興馳神半。步虛  
了，知新蚌蛤那。見老蟾蜍若使虧，盈易催迴五  
馬車。

始見二毛

我老於潘一十年二毛何處甚留連當初不見  
今初見為是愁多卧海壖

秋夫月

千閱消亡千日醉百愁安慰百花春一生不見  
三秋月天下應無腸斷人

秋

涯分浮沉更問誰秋來暗倍客居悲老松窓下  
風涼處踈竹籬頭月落時不解彈琴兼飲酒唯

堪讀佛且吟詩夜深山路推歌罷殊恨隣鷄報  
曉遲

重陽日府衙小飲

秋來客思幾紛紛况復重陽暮景曛菊遣窺園  
村老送黃從任土藥十分停盃且論輸租法走  
筆唯書辨訴文十八登科初侍宴今年獨對海  
邊雲

近曾有自京城至州者誦出一絕云是越

州巨刺史秋夜夢菅讚州之詞也予握筆

而寫寫竟與作聊製一篇以慰悲感  
 北山南海隔皇城煙水蒙籠夢裏情時節晴逢  
 流淚氣則名自有斷腸聲莫因道遠稱孤立嫌  
 被人知會五更若使神交同面拜不辭夜夜冒  
 寒行

詠後聞進士公宴詩不堪欣感便寄一絕  
 絕無消息幾相思為想他年得意時今日定知  
 君不死若教君死豈吟詩

寒早十首

同用人身貧類四字

何人寒氣早寒早走還人案戶無新占尋名占  
 舊身地毛鄉土瘠天骨去來貧不以慈悲繫浮  
 逃定可類

何人寒氣早寒早浪來人欲避連租脚還為招  
 責身鹿裘三尺弊蝸舍一間貧負子兼提婦行  
 行乞與類

何人寒氣早寒早老艱人轉枕雙開眼任簷獨  
 卧身病崩逾結悶飢迫誰愁貧擁抱偏孤子通  
 宵落淚類

何人寒氣早寒早風孤人父母空聞耳調庸未  
免身葛衣冬服薄蔬食日資貧每被風霜苦思  
親夜夢頻  
何人寒氣早寒早藥圃人辨種君臣性充徭賦  
役身雖知時至採不療病來貧一草分銖欠難  
勝簞決頻  
何人寒氣早寒早驛亭人數日忘食口終年送  
客身衣單風發病葉癯暗漆貧馬瘦行程澁鞭  
笞自受頻

何人寒氣早寒早賃舩人不計農商業長爲僦  
直身立錐無地勢行棹在天貧不屑風波險唯  
要受徭頻

何人寒氣早寒早釣魚人陸地無生產孤舟獨  
老身裊絲常恐絕投餌不支貧賣欲充租稅風  
天用意頻  
何人寒氣早寒早賣塩人煮海雖隨手衝烟不  
顧身早夫平價賤風土未商貧欲訴豪民權津  
頭謁吏頻



何人寒氣早寒早  
採樵人未得閑居  
計常爲重擔身雲巖行  
處險壙牖入時貧賤  
賣家難給妻孥餓病頻

客舍又夜

客舍秋徂到此空  
床夜夜損顏容  
押衙門下

寒吹角開法寺中  
曉驚鐘

開法寺在府衙之西  
行樂去留

遵月砌詠詩緩急播風松  
思量世事長開眼  
不得知音夢裏逢

同諸小兒旅館東  
申夜賦靜室寒燈明之詩

旅人每夜守三戶  
况對寒燈不卧時  
強勸微心雖未死  
頻收落淚自爲悲  
舍低應道星穿壁  
山近猶疑雪照帷  
四五更來無一事  
咲看兒輩學吟詩

在州以銀魚袋贈吏部第一郎中扶

屈身探得一銀魚  
手自緘封意豈踈  
隨我多年鱗半落  
贈君遠路淚猶餘  
不潛南海重波下  
將躍東風解凍初  
非倚同時爲吏部  
唯思交道在文書

旅亭除夜

駢策四時此夜窮旅亭閑處甚寒風苦思洛下  
新年事無到家門一夢中

旅亭歲日招客同飲

仁和三年

招客江村歲酒盃主人多被旅情催家兒淺酌  
爭先勸鄉老多巡罰後來愁戚去年分手出笑  
容今日兩肩閑欲知倒載非陽醉舟撒漁竿遺  
置迴

早春閑望

早起灰心坐冥冥是夢魂雲中山色沒雨後水  
聲喧強道春先至猶知日未暄迴頭無外物漁  
叟立沙村

正月二十日有感

禁中內宴之日也

寒氣遍身夜淚多春風為我不誰何迴頭左右  
皆潮戶入耳高低只棹歌遠憶群鶯馴藥樹偏  
悲五馬隔滄波諸兒強勸三分酒謝日忘憂莫  
此過

夢守尚負

府衙書生一日頓死

每看名簡痛相哀，惜汝從公有小才。爲訴妻孥將餓死，應窺太守夢中來。

春日尋山

偶得衙頭午後閑，二三里外出尋山。鳥能饒古溪邊聽，花有亞枝馬上攀。要賞煙蘿占遠入，嫌繁案牘懶先還。從初到任，心情冷被勸春風，適破顏。

行春詞

七言二十韻

欲貌春風不受憎，周流四望睇先凝。才愚只合

嫌傷錦，慮短何爲理。亂繩慙愧城陽因，勇進庶幾馮翊以廉稱。莓苔石上心沉陸，楊柳花前脚履冰。辭謝頑民來謁拜，許容小吏送祇萊。統身不墨徒相逐，任口謳吟罷不能。事事當資仁義下，行行且禱稍梁登。靈祠恠語年高祝，古寺玄談曠老僧。過雨經營修府庫，臨煙刻鏤辨溝塍。遍開草褥寬囚錄，輕舉蒲鞭宿惡懲。尊長思教卑幼順，單貧恐被富強凌。安存耄邁食非肉，賑恤孤惇餓曲肱。繼縷家門留問主，耦耕田畔立

尋朋遊童竹馬郊迎廢隱土藜杖路次興冥感  
終無馴白鹿外聞幸免喚蒼鷹應綠政拙名  
隆豈敢功成善最昇迴轡出收朝日旭墊巾歸  
慶暮雲燕驛亭樓上三通鼓公館窓中一點燈  
人散閑居悲易觸夜深獨卧淚難勝到洲秋半  
清兼慎恨有青青汚染蠅

勿廟釋奠有感

一趨一拜意如泥樽俎蕭疎禮用迷曉漏春風  
三獻後若非供祀定兒啼

路遇白頭翁

路遇白頭翁白頭如雪面猶紅自說行年九十  
八無妻無子獨身窮三間茅屋南山下不農不  
商雲霧中屋裏資財一栢匱匱中有物一竹籠  
白頭說竟我爲詰老年紅面何方術已無妻子  
又無財容體充肥臙陳述白頭拋杖拜馬前懇  
懇請曰叙因緣貞觀末年元慶始政無慈愛法  
多偏雖有旱災不言上雖有疫死不哀憐四千  
餘戶生荆棘十有一縣無爨煙適逢明府安爲

氏今之野奔波晝夜巡鄉里遠感名聲走者還

周施賑恤疲者起吏民相對下今之豫尊上老弱相携

毋知子更得使君保在名今之豫卧聽如流境

內清春不行春春遍達秋不省秋秋大成二天

五袴康衢頌多黍兩歧道路聲愚翁幸遇保安

德無妻不農心自得五保得衣身甚温四隣共

飯口常食樂在其中斷憂憤心無他念增筋力

不覺鬢邊霜氣侵自然面上桃花色我聞白頭

口陳詞謝遣白頭反覆思安為氏者我兄義保

在名者我父慈已有父兄遺愛在願因積善得

能治就中何事難仍舊明月春風不遇時欲學

奔波身最懶將隨臥聽年未衰自餘政理難無

變奔波之間我詠詩

晚春遊松山館扶

官舍交簷枕海濶去來風浪不生塵轉移危石

開中道分種小松屬後人低翅沙鷗湖落暮亂

絲野馬草深春釣歌渾火非來友抱膝閑吟淚

濕巾

讀書

有迹崇丘父，無爲拜老君。春秋三十卷，道德五千文。口誦窺衙後，心耽到夜分。二經充晚學，那問舊丘墳。

春盡

風月能傷旅客心，就中春盡淚難禁。去年馬上行相送，今日雨降時獨吟。花鳥從迎味景老，鬢毛何被白霜侵。無人得意俱言咲，恨散茫茫一水深。

書懷贈故人

在遠想思，一故人花前月下海邊。春劉歆，舊說君聞取，莫黨同門妬道真。

思家竹

三畝琅玕種，有筠始從舊宅。小園分纔，憑客夢遊魂見。適問家書，使口聞殊恨。低迷摧宿雪，不期長養拂秋雲。子猷一日猶馳戀，豈敢涉年無此君。

分良藥寄倉主簿

欲留霜白老，分寄地黃煎。若和盃中物，當爲飲酒仙。

問藺翁翁

問尔皤皤一老人，名爲藺翁事何因。生年幾箇家安在，偏脚尙癯亦具陳。小園分地藺翁翁，代翁答之。

藺翁爲名在手工，頽齡六十宅山東。毒瘡腫爛傷偏脚，不記何年自小童。

重問

迎前問汝更辛酸，年紀病源是老殘。賣葑村中應賤價，生涯定不免飢寒。

重答

二女三男一老妻，茅簷內外合聲啼。今朝幸軟慇懃問，扶杖歸時斗米提。

荷後勸諸僚友共遊南山

荷後不勝客舍閑，相招信馬到南山。松低老葉危巖下水噴，寒花迅瀨間欲伴孤雲。尋間路猶憐半日出，塵裏刈民縱訴監臨盜。此地風流負

戴逵

觀瀑布水

銀河倒瀉落長空，恰似霜紈颺晚風。清淺寒聲

圖不得將聞二十八言中

得倉主簿為情書報以長句兼謝州民不

歸之疑以下乞暇 停棹中洲得一封，看知到底寫心胸。無情今日

濕襟別有分，去年傾蓋逢期我。歸帆唯六日恨

君罷秩在，三冬當州若不重來見，客館何因種

小松

予近首津頭客館移種小松以備遊覽故云

宿舟中

寄宿孤舟上，東風不便行。客中重旅客，生分竟

浮生語得，塩商意欲隨。釣叟聲此間，塵迹斷更

懶問家情

舟行五事

一株磯上，松嶠崑磯勢重。松全孤立性，磯絕四

方蹤。隨分短枝老，任天細葉濃。無心雲自到，有

節雪纜封。雖遇陽侯怒，基堅不近攻。雖遭班爾



匠村陋不爲容，赤木東南，嶋黃場西北，峯豪家  
常愛用，貪吏適相逢，刀割又傷斧，春生不步冬  
文章誠可畏，礪上欲追從，試頭已釣翁，涕淚滿  
舟中，昨夜隨身在，今朝見手空，尋求欲渡浪，衰  
老不勝風，此釣相傳久，哀哉痛不窮，子孫何物  
遺，衣食何價充，荷鍾慙農父，駢羊愧牧童，非嫌  
新變業，最惜舊成功，若有僧爲俗，寺中惡不通  
假令儒作吏，天下笑雷同，漸憶釣翁泣，悲其業  
不終，區區渡海，麴吐舌，不停蹄，潮頭再三顧，如

戀故山路，故山何戀切，每鹿每提推，乃適遇，獠徒  
至分奔，道路迷，呼聲喧左右，流鏃雨東西，母子已  
相失，死生未相睽，茫茫不測水，豈是毛群栖，森  
森無涯浪，未曾野獸蹊，何福鷓鴣巢，藪何分，龜曳  
泥，客有離家者，看麈漉血啼海中，不繫舟東西  
南北，流不知誰本主，一老泣前洲，聞塩價翔貴，  
逆風去，不留夜行三四里，觸石暗中投，折楫隨  
潮蕩，空籠逐浪浮，欲求十倍利，還失一生謀，老  
泣雖哀痛，虛舟以放遊，有人前有禍，無物後無

愁昌進者如此，虛心者自由。始終雖不一，請我  
學莊周。疲羸絕粒，僧草庵結石。稜石高三四丈，  
波勢百千層。隣絕糧難到，路尖人不登。聞其長  
斷食，虛号遍相稱。骨欲穿肌，立魂應離魄。昇我  
將知實不試，擲米三升納受。即言曰：施主誠足  
德。今朝如不遇屍僵，遂無與彼非。須我食，我非  
知彼矜。嗷嗷聞巷犬，當吠此僧明。

到河陽驛有感而泣七扶

去歲故人王府君驛樓執手泣，相分我今到此。

問亭吏爲報向來一點墳

殘菊下自詠以下五首  
到京之作

踈籬豈敢冒霜威，不恨凋殘氣力微。天下涼陰  
花下冷，主人外吏故人稀。應看晚色知閑物，欲  
引餘香襲客衣。爲恐襲邊腸易斷，徘徊未得早  
南歸。

冬夜閑居話舊以霜爲韻七扶

懷舊猶勝到老忘，多言且恐損中腸。交遊少白  
心如水，閑話今宵鬢有霜。不恨寒更三五去，無

堪落淚百千行相論前事故人在只是當時我  
獨傷

三年歲暮欲更飯洲聊述所懷寄尚書平

右丞

一離一會宛如新隨念了知是宿因衙早尚書  
長劇務告歸刺史暫閑人途中不惜分君手夜  
後將論處我身世路難於行海路飛帆豈收得  
明春

正月十日同諸生吟詩

月色猶迷臘雪殘自知春淺我心寒若教花  
能言語定報通宵笑不歡

時屬諒  
開故云

賦得春之德風題中取韻三  
十字成篇

和風期五日德化在三春遠近吹無頗高低至  
有隣開花驚老樹解凍放潛鱗號令今如此應  
知養長仁

菅家文章卷第三終

*[Faint, mostly illegible text, likely bleed-through from the reverse side of the page.]*

菅家文集卷第四

題驛樓壁

歸州之次到播州明右驛自此以下八十首自京更向州作仁

和四年

離家四日自傷春梅柳何日觸處新為問去來  
行客報讀州刺史本詩人

書懷寄文才子

水闊雲深春日長含情不覺有風光閑來奉試  
詩評未聞得同門博士亡送我飯時心半死思  
君卧處淚雙行如何四十無名客師在邊州母

在堂

聞文進士及第題客舍壁

文室時實

得聞春榜故人名非喜高飛喜久生  
匏繫不辭煙絕卧履穿無厭雪寒行  
三千門下獨留守一百字中纔晚成  
年少若嘲君老及慇懃為解俟  
河清有試賦河水清百字迴文故云

哭翰林學士

愁思病甚馬相如別後三迴附起居  
補替驚看新任詔聞喪泣讀故人書  
被拘卑守橫蒼海不

及高呼走素車旅客從來無夜夢  
未知苦樂二生初

春日獨遊三首

扶

放衙一日惜殘春水畔花前獨立身  
唯有眈眈東北望同僚指目白癡人

花凋鳥散冷春情詩興催來試出行  
昏夜不歸高嘯立州民謂我一狂生  
日長不得久眠居出引諸兒且讀書  
適遇多情無釣叟各言其志不言魚

別遠上人 扶十

何處浮盃欲絕蹤，愁看泣血舊溪龍。  
傳將法界二明火，謝却僧房一老松。  
苦海須臾今日別，靈山畢竟後生逢。  
慈悲若不忘鄉里，便付春風送曉鐘。

四年三月二十六日作

到任之三年也扶

我情多少與誰談，况換風雲感不堪。  
計四年春殘日四逢，三月盡客居三生衣。  
欲待家人著宿釀，當招邑老酣好去，鷺花今已後，冷心一向勸。

農蠶

首夏聞鷺 扶十

行藏萬物不蹉跎，四月鷺聲聽甚訛。  
梁鷺雛成爭有舌，窓梅子結覺無窠。  
似移愛妾人前笑，同失時臣意外歌。  
鳥若逢春應消語，臣愚妾老欲如何。

新蟬 扶十

新發一聲最上枝，莫言泥伏遂無時。  
今年異例腸先斷，不是蟬悲客意悲。

對鏡

四十四年，人生涯未老，身我心無所忌，對鏡欲  
相親，半面分明見，雙眉斗頓頻，此愁何以故，照  
得白毛新，自疑鏡浮翳，再三拭去塵，塵消光更  
信，知不失其真，未滅胸中火，空銜口上銀，意猶  
如少日，只已非昔春，正五位雖貴，二千石雖珍，  
悔來手開匣，無故損精神。

寄雨聞縣令江維緒一絕

不雨應緣政不良，唯憑木般若，經主州官縣吏

更相混乙丑同年鬢早霜

遊覽偶吟

鳥出樊籠翅不傷，青山碧海任低昂，京中木地  
王公宅幾內，花林宰相莊，口戲貪憐誣，犯限眼  
偷臨望，叱窺堂，此間勝境雖無主，漸漸聞來欲  
有妨。

法華寺白牡丹

色即爲貞白，名猶喚牡丹，嫌隨凡草種，好向法  
華看，在地輕雲縮，非時小雪寒，繞藂作何念，清

淨寫心肝

題南山亡名處士壁扶

秘密鄉村與姓名年顏朽邁意分明無妻潤戶  
松借老不稅山畦黍旅生泡影身浮修道念煙  
嵐耳冷讀經聲比量心地安閑理一室應勝我  
百城

客舍書籍

來時事任輕疎不妨隨身十帙餘百一方資  
治病術五千文貴立言虛謳吟白氏新篇籍講

授班家舊史書罷秩當須收得去自慙猶過橐  
衣儲

言子扶

男愚女醜稟天姿依禮冠笄共失時寒樹花開  
紅豔少暗溪鳥乳羽毛遲家無擔石應由我業  
有文章欲附誰此事雖同窮老歎適言其子容  
情悲

讀家書有所歎

一封書到自京都借紙公私讀向隅兒病先悲



爲遠吏論危更喜不通儒豈憂伏臘貧家產唯  
畏風波喚世途客舍閑談王道事應蓋山近似

樵夫

仁和

丙午之歲四月七日予初莅境巡視州府府  
之少北有一蓮池池之近東有一長老長老  
曰是蓮也元慶以往有葉無花仁和以來花  
葉俱發適至夏末已遇花時長老之言誠而  
有驗余時予向僚屬作是唱言採摘池中百  
千萬莖分拾部內二十八寺聞者隨喜見者

發心加之香油東西供養乃謂自我爲故將  
貽後人至于去年亦復如是意之所約不爲  
不諧今茲自春不雨入夏無雲池底塵生蓮  
根氣死天與人失心與事違非佛力不至蓋  
人心之不信聊叙文章便以嗟嘆云尔

門外小池池內蓮問來誰種又誰穿稚膚葉展  
纔羨露清溜溪通不導洎提筇一時風景改下  
車三度月光圓及看灼灼新花發終信皤皤故  
老傳心誤絳幡依岸障眼疑紅燭出泥燃西方

色相聞爲室南郡榮華見可憐尋繹凡夫機利  
鈍混成樂處善因緣同僚偃草稱權首闔境奔  
波供佛前都計道場唯四七擬施世界滿三千  
人皆採摘分頭去我獨思惟合掌眠未肯離心  
於魏闕如今享福不唐捐先祈海內長無事次  
願城中大有年從自初來言已立欲令後到禮  
相公豈圖此歲無膏雨何罪當州且旱天風卷  
春山雲宿澗火燒夏白地生煙毒龍貪惜神通  
水邪鬼呵留智慧泉祝史疲馳頒幣社禪僧倦

著讀經筵悲哀鄭白源流涸夢想龔黃德化宣  
近見塵飛芳萼死遍知土熱稼苗奠善根道斷  
呼甘樹真實謀窮稔福由莫笑芳修偏少力應  
慙政理每多愆魂迷案轡顛羸馬手拙揚薪爛  
少鮮儒館罷歸雖叱咄吏途蹶步更逃遭刺肌  
刻骨身爲鏤此偈寧非薄命篇

憶諸詩友兼奉寄前濃州田別駕

天下詩人少在京况皆疲倦論阿衡

傳聞朝廷  
今在京諸

儒定阿衡  
典職之論

巨明府劇官將滿安別駕煩代未行

南郡旱災無所與東夷獷俗有何情君先罷秩  
閑多暇日月煙霞任使令

謝文進士新及第拜辭老母尋訪舊師

恠來言笑夢中聞客舍蕭蕭夜半分春月不辭  
高折桂秋風有力遠披雲西京老母知猜我南  
海閑人喜遇君爭得一枚司馬印便留多少附  
公文

聞早鴈寄文進士

無勝早鴈叫傷情沙漠涼風送遠行不見家人

書便附唯煩旅客夢難成下絃秋月空驚影寒  
櫓曉舟欲亂聲憶汝先來南海上夜尋落意舊  
能鳴

江上晚秋

不敢閑居任意愁勸身江畔立清秋山銜落日  
分陰駐水趁涓年一種流鷗鳥從將天性狎鱸  
魚妄被土風羞銷憂自有平沙步王粲何煩獨

上樓仲宣賦云暇日聊以銷憂

九日偶吟

客中三見菊花開，只有重陽每度來。今日低頭  
思昔日，紫宸殿下賜恩盃。

別文進士

見來纔一月，相送幾重波。未省中懷散空添，別  
淚多。葉紅時易感，雲白路難過。不得隨君去，傷  
情欲奈何。

寄白菊四十韻

遠隔蒼波路，遙思白菊園。東京螭舍宅，西向荏  
羅門。小墳斜當戶，踈欄正逼軒。無池蓮本欠，有

畝竹逾繁。擬擅孤蓑美，先芸庶草蕃。苗從台嶺  
得種，在侍郎存。予為東台部侍郎，即之。日  
天台明公寄是花種。

下手分移遍，中心愛護敦。早春新臈葉，初夏細  
牙根。待灌占依井，兼湯免戴盆。葉期揚酷烈，莖  
約引嬋媛。棗籟吹灰到，流年轉轂奔。乍看珠顆  
坼，爭賞素窠翻。蟬翅迷施粉，蜂鑽鬧著痕。地疑  
星強宋庭似，雪封袁紫襲衣。燕茵香浮酒，蒲樽  
仙家嫌葱圃，隱士厭桃源。笑殺陶元亮，食資楚  
屈原。和光宜月露，同類是蘭蓀。名惜裴虛室，

名後要盛昆，慙羊曾獻主。悔劔只貽孫，佳老休  
炊桂。忘憂倍帶萱，芬芳應佩服。負絮欲攀援，四  
序環無賜。千炷矢不讓，生涯雖量測。祿命未平  
反面，自歡娛。以風塵悶亂煩，業拋羊柱筆宮建  
集，旗幡失道人。皆議安身我，獨論雙龜收北闕。  
五馬屬南轅。文選云：別子雙龜。李氏謂罷二官也。余及為刺史，解却兩印，故云也。  
鬱鬱江雲，身濛濛。澗雨溫行程，過綠浦。逆旅卧  
青嶺，水國親賓絕。渙津商賈喧，一來疲涕泗。三  
度變寒暄，想像霜華發。悲傷晚節昏，含情排客

館抱影立荒村，悵望將穿眼。追尋且送冤，意驚  
由過鴈。腸斷豈聞猿，有處堆冰插。何人折柳樊  
自開還自落，誰見也誰言。暮景愁難散，涼風恨  
易吞。寄詩花盛否，珍重可知恩。

秋雨

秋霖晴日少，旅館感懷多。屋見苔侵壁，池聞水  
溢料。苦情唯客夢，閑境併詩魔。帶雨年華落，其  
如我老何。

路邊殘菊

菊過重陽似失時，相憐好是馬行遲。  
金精雖拔薰香在，欲把還羞路拾遺。

驚冬

送冬如昨只今歸，應道炎涼傳翼飛。  
牀上卷收青篋篋，篋中開出白綿衣。  
不愁官考三年黜，唯歎生涯萬事非。  
節是安寧心最苦，天時爲我幾相違。

晨起望山

不寐通宵直到明，蘆簾手撥對山晴。  
避人猿鳥

松蘿裏，唯有飛泉雨後聲。

冬夜閑思

白茅簷下火爐前，侍坐兒童倚壁眠。  
案曆唯殘冬一月，居官且遣秩三年。  
性無嗜酒愁難散，心在吟詩政不專。  
千萬思量身上事，窓間報得欲明天。

冬夜對月憶故人

月轉孤輪滿百城，無端惱殺客中情。  
山疑小雪微微積，水誤新冰漸漸生。  
永夜猶宜閑望坐，寒

嵐不得出遊行每思玄度陽先斷空放吟詩丁  
兩聲

余秩作  
客居對雪一扶

溫液寒凝暗有期驚看銀粉滿第茨立於庭上  
頭為鶴居在爐邊手不龜花散忽因風力處玉  
銷初見日光時城中一夜應盈尺祝著明年免  
旱飢今年有旱故云

訓藤十六司馬對雪見寄之作次韻

人皆踏玉似蓬瀛雪色應羞我性清口詠君詩

心且祝明年秋稼與雲平

立春在十二月二十六日

偏目曆注覺春來物色人心尚冷灰誣告浪從  
冰下動暗思花在雪中開浮雲自後寒夜暖壯  
日如今去不迴消息窮通皆有運莫言堙戶不  
驚雷

懺悔會作三百八言

一切衆生煩惱身求哀懺悔仰能仁兼和聖主  
勅初下貞觀明王格永陳內自九重外諸國起

於萬乘及黎民年終三日繫心馬天下一時轉  
法輪發願以來五十載星霜如故事如新我今  
爲吏居南海朝夕翹誠望北辰趨拜宮門或優  
奉行制旨即忠臣會之前後禁屠割會之中間  
絕葷辛禪悅寒擎霜椀味過伽曉指并華神城  
中遍滿菩提念境內掃除雜染塵香出善心無  
用火花開合掌不開春歸依一萬三千佛經中佛名  
哀愍二十八萬人部內戶口邊地生生常下賤未來  
世世亦單貧非由宿業皆如此尔復當時更結

因無量無邊何處起自身自口此中臻逋逃謂  
稅冥司錄欺詐公私獄卒瞋澳叟暗傷昔兄弟  
獵師好殺舊君親在風盤訖犁耕舌習俗狂言  
湯爛唇遠教萬方罪先現乖和一夕苦相違肉  
飛羅刹鬼前又骨赴泥梨鼎下薪疑惑愚癡無  
曉悟雖無曉悟欲精勤可慙可愧誰能勸菩薩  
弟子營道真

元日戲諸小郎仁和五年

珍重行年五九春可憐兒輩二三人不須多勸



屠蘇酒其奈家君白髮新

寄紙墨以謝藤才子見過

沙浪不由遇舊知今朝日擊泱先垂松煙若映  
桃花上詠折春風挂一枝

春詞二首

和風料理遍周遊山樹紅開水綠流自古人言  
春可樂何因我意凜於秋  
雨後江邊草深來遙思去歲始花梅歸鴻若當  
家門過為報春眉結不開

正月十六日憶官妓蹋歌

皇居在北濶天得遺意官人整玉簪此夜應同  
新月在他鄉不似舊年心舞非春夢難行見歌  
是昔聞便卧吟每屬佳辰公宴日空空濕損客  
衣襟

聞群臣侍內宴賦花鳥共逢春聊製一篇

寄上前濃州田別駕

花不舍靈鳥不言知春為政調寒温函溪轉感  
未賢詔古木方驚養老恩望鶴晴飛千萬里思

梅艷發九重門裏香低翅風莎地爭得時來入

禁園舊名...

訓藤司馬詠廳前櫻花之作押韻

紅櫻笑殺古井棠本韻周櫻為韻安使君公遺

愛芳此花元慶始安不用春庭無限名欲看秋

畝有餘糧日...

亞水華...

花發巖邊半入流紅勻綠深兩悠悠日燒迅瀨

薰龍腦風獵低枝破鴨頭恰似湘妃臨岸泣欺

誣蜀錦帶波浮無人共見陶春意觸物空添旅  
客愁

官舍前播菊苗

少年愛菊老逾加公館堂前數畝斜去歲占黃

移野種此春問白乞僧家乾枯便蔭庭中樹令

浦爭堆雨後沙珍重秋風無欠損如何灑水岸

頭花

齋日之作扶十

相逢六短斷葷腥獄訟雖多廢不聽山栢香焚

新燧火野葵花插小陶瓶念歸觀世音菩薩聲  
誦摩訶般若經懺悔無量何事最爲儒爲吏每  
零丁

謝備州刺史便過旅館告別

青衫刺史意殷勤停棹潮頭問故人今日不須  
添別酒爲嫌醉後定霑巾

予曾經以聞群臣賦花鳥共逢春之詩寄  
上前濃州田別駕別駕今之不遺遠辱還答  
詩篇之外別附書問予先讀消息詩云書

云不覺流淚更用園字重感花鳥

自聞花鳥遠形言憶昔吹噓意氣温心拆細書  
千里面舌饒長句萬令恩我悲凋落浮煙水君  
歎低飛宿草門努力明春求友到一枝巢在舊  
丘園別駕先年罷官未得放還  
余此冬秩滿切過難知故云

苦日長十六韻

少日爲秀才光陰常不給朋交絕言笑妻子廢  
親習壯年爲侍郎曉出逮昏入隨自東西走兼  
顏左右揖結綬與垂帷孜孜又汲汲榮華心尅

念名利手偏執當時殊所苦霜露變何急忽忝  
專城任空為中路泣吾黨別三千吾齡近五十  
政嚴人不到衙掩吏無集茅屋獨眠居蕪庭閑  
嘯立眠疲也嘯倦歎息而鳴悒為客四年來在  
官一秩及此時最仗患烏兔駐如繫日長或日  
短身騰或身繫繫自然一生事用意不相襲

端午日賦艾人

實平元年扶三

艾人形相自蒼生初出雲溝束帶成運命歡逢  
端午日追尋恐聽早鷄鳴有時當戶危身立無

意故園信脚行只合萬家知採用縱焚筋骨不  
焚名

讀改元詔書絕句

明主欲變舊風煙詔出龍樓到海壖為向樵夫  
渙艾祝寬平兩字幾千年

喜雨

田父何因賀使君陰霖六月未前聞滿衙僚吏  
雖多俸不若東風一片雲

納涼小宴

避暑閑亭上，消憂客帳中。骨寒南岸水，心刷北  
窓風。遠望苗抽綠，遙思粟衍紅。此時何悶事，官  
滿未成功。

一葉落

歲漸三分盡，秋先一葉知。應驚涼氣動，不待曉  
風吹。水見舟無楫，林迷鳥失雌。取諸身上事，初  
有鬢毛衰。

八月十五日夜思舊有感

管家故事世人知，翫月今爲忘。月期若葉香湯

免飲酒，蓮華妙法換吟詩。如何露溢思親處，况  
復潮寒望闕時。從始南來長鬱悒，就中此夜不  
勝悲。

水邊試飲

消憂見說有黃醅，遊出江頭試勸盃。先飲三分  
驚手熱，更添一酌覺眉開。戲言凜凜秋難醉，專  
約厭厭夜不迴。傾聽傍人相慢語，瑠璃水畔玉  
山頽。

路次見芭蕉

適雨芭蕉不耐秋行行念念意悠悠三千世界  
空如是所以停鞭泣馬頭

白毛歎

心情不減氣猶寬誰許班毛放若干鵝毳鏡中  
分影白霜毫鑷下寸芒寒早衰蒲柳雖同顧初  
見春秋已過潘口未生髮多食蔗頭將及髮若  
彈冠恠來日日形容變祇是行行世路難筋力  
莫言年幾老四句有五豈凋殘

小男阿視留在東京寫送田太夫禁中瞿

麥花三十韻詩云此詩也應詔作之時人  
重之故奉之予吟之翫之不知其足仍製  
一篇續于詩草云余

家兒不問老江濱只報相如遇好文三百真珠  
無趾至九重嘉草有名聞詩尋此地凌蒼海花  
託何人種白雲菅蒯若應添雨露吐華將奉  
聖明君

同諸小郎客中九日對菊書懷

菊爲無情籬下開人因不樂海邊來諸郎莫恠

今朝事口未吹花淚滿盃

早霜

為露為霜歲事成  
早朝躋地見分明  
林巒織著  
黃絲纈汝渚瑩添  
白水精君子夜深  
言不警老  
翁年晚鬢相驚  
寒心旅客雖樵散  
舍得後凋欲  
守貞

對殘菊詠所懷寄物忠兩才子

思家一事亂無端  
半畝華園寸步難  
偏愛夢中  
禾失盡不知籬  
下菊開殘  
風情用筆臨時泣霜

氣和刀每夜寒莫使金精多詠取明年分附後  
人看

吟善洲博士物章鑿師兩才子新詩戲寄

長句

颯颯松窓獨卧時  
相迎僚友見文詞  
太春堂下  
寒吟逸弘景園中  
曉唳悲何啻離經  
稱博士自  
慙合藥喚鑿師  
閑思共有雕蟲業  
應化使君昔  
詠詩

冬夜有感簡藤司馬

霜籬數步菊花殘，更有何人比目看。  
送却孤帆，煙水遠，知君獨卧夜衣寒。

冬夜九詠

不睡

不睡騰騰送五更，苦思吾宅在東京。  
竹林花花今忘却，聞道外孫七月生。

獨吟

牀寒枕冷到明遲，更起燈前獨詠詩。  
詩興變來為感興，關身萬事自然悲。

山寺鐘

草堂深鎖翠煙松，拔苦音聲五夜鐘。  
遙送樵風驚客夢，應知感鮫澗中龍。

誦經

室無兒婦裹頭僧，半中燒香一點燈。  
誦禪經三四遍，是身斗藪潔於冰。

老松風

聞曉風吹老太夫，冷冷恰似碎珊瑚。  
牀頭不得閑交睫，入髓寒聲可厭無。



曉月

客舍陰蒙四面山，窓中待月甚幽閑。  
遠鷄一報迴頭望，掃著寒雲半缺環。

野村火

非燈非燭又非螢，驚見荒村一小星。  
問得家翁沉病困，夜深松節照柴扃。

水聲

夜久人閑也不風，潺湲觸聽感無窮。  
石稜流緊如成曲，疑是湘妃怨水中。

殘燈

耿耿寒灯夜讀書，煙嵐度牖欲何如。  
微心半死頰挑進，折盡枯蒿一尺餘。

訓藤六司馬幽閑之作次韻

客舍因君暫上隣，閨中夜夜見無人。  
流年好去從官老，官滿歸時自遇春。

庚申夜述所懷

故人詩友苦相思，霜月臨窓獨詠時。  
已酉年終冬日少，庚申夜半曉光遲。  
燈前反覆家消息，酒

有宋文草 卷四

後平商世嶮夷爲客以來不安寢眼開豈只守  
三尸

僧房屏風圖四首

野莊

適逢知意翫春光綠柳紅櫻繞小廊不見家中  
他事業計將道士晚駢羊

曉行

蹇驢費策白雲中不倦迴頭嘯曉風想得前途  
潮落處計程到著日殘紅

閑居

茅屋三間竹數竿便宜依水此生安踈畦種黍  
纔收得殊恨餘年不弄食

尋師不遇

尋訪文殊何處行老松春色早鷺聲自慙香火  
因緣盡橋上徘徊斗藪情

春日感故右丞相舊宅

自此以下十三首  
罷秩歸京之作寬

平二年  
扶十

綠柳依依白日斜人蹤銷滅滿庭沙只今暮宿

有宋文草 卷四

簷間鳥仍舊春開砌下花不得平生桃閣謁無  
勝感悼望門嗟駕有來客知何在未葬爭馳到  
勢家

三月三日侍於雅院賜侍臣曲水之飲應

製扶三

擲度風光卧海濱可憐今日遇佳辰近臨桂殿  
迴流水遙想蘭亭晚景春仙蓋追來花錦亂御  
簾卷却月鈎新四時不廢頽王澤長斷詩臣作  
外臣

依病閑居聊述所懷奉寄大學士

含情海上久蹉跎猶恨虛勞動宿痾脚灸無堪  
州府去頭瘡不放故人過廝兒闕見魚生釜門  
客笑歸雀觸羅身未衰微心且健鑿治有驗復  
如何

感秋

每夜炎氛減今朝冷臆生梧桐風後色蟋蟀雨  
中豈有寺安禪坐無山小隱行性雖甚鹿懶鞭  
策動詩情

書懷奉呈諸詩友予列秩已滿被符在京分付之間不接朝士故

之作

折轅遵渚去春迴閑卧涼嵐半死灰公事聞人  
談說得野情趁我寂寥來不觀釋奠都堂禮何  
賜重陽內宴盃爲向當時詩友謝今年翰苑出  
庸材

九日侍宴同賦仙潭菊各分一字應製探

字

秋菊初開秋水止黃金倒映瑠璃裏夜來月照

光明見曉後風涼香氣起桂父遊隨尚藥尋麻  
姑採助官人喜賜喜一束壽千歲還愧無功天  
降祉

奉謝源納言移種家竹能有

吟嘯此君口弄食豈堪移去入朱欄空心爲是  
天姿勁瘦幹寧非地勢寒雖有舊編成蠹簡且  
妨新截當魚竿梁主欲識孤負節請喚相如雪  
裏看

近以拙詩一首奉謝源納言移種家竹前

越州巨刺史，忝見訓和。不勝吟賞，更次本韻。

憔悴寒蓂種，捨諸貴門。分取陰階除，偏思絲鳥。隨青藹，豈料文星降。碧虛君厭會，誓閑翫。久我憐梁苑，迸生餘琅玕。好去空籬下，留得清詞玉。不如

感白菊花奉呈尚書平右丞

不見花來一二年，霜風計出白銀錢。牛羊踐盡纔遺種，蜂蠆刺殘未落鮮。感昔三千門下客，歸

博學每年季秋大學吟新四百字中篇到州三年  
諸生賞翫此花  
韻詩寄此花以故人知我多芳意，所以孤蓂望引客中之幽憤費鞭費

霜菊詩 同日序并未旦  
求衣賦在別卷

肅氣凝菊墮，烈蕊帶寒霜。結取三危色，韜將五  
美香逼簾金碎，鍊依砌麝穿囊。時報豐山警風  
傳，麗水芳似星籠薄霧同。粉映殘粧戴白知，貞  
節深秋不畏涼。

予罷秩歸京，已為閑客。玄談之夕，無物形

言故釋逍遙一篇之三章且題格律五言  
之八韻且叙義理附之題脚其措詞用韻  
皆據成文若有諳之者見篇疏決之

北溟章

述曰鯨為鵬鳥自北徂南與鷲  
鳩咲其宏大自得之場雖異逍遙  
之道惟同唯此章舉鳩畧而舉鵬詳明鯢  
魚而鵬密故偏發鵬鵠二蟲之性遂終小  
大一致之篇

舉小將均大惟鵬自對蜩海鱗波淼淼泥蛭景  
蕭蕭變化談同日形容類各宵無時類决起有  
處積扶搖控地榆枌鬱垂天羽翼調均勞空半

歲逸樂不終朝野馬吹相息班鳩咲共嬌二蟲  
雖異趣適性共逍遙

小知章

述曰宋榮忘有禦寇得仙大智也  
五等殊方諸侯就事小智也冥靈  
在楚彭祖仕周大年也蟪蛄夏生朝菌暮  
死小年也然而物安天性理任自然羨慾  
累絕逍遙道成唯有榮公笑宰官之祿列  
子御冷然之風未得遺無猶憂有待未若  
無切之神無名之聖能馭六氣遠遊無窮  
逍遙之智足矣無待之心適焉故遍舉小  
大之性說以神聖之遊此章更載大椿花  
葉之長年斥鴳觀鵬之遊放義為重疊略  
而不取也

知分明又闇年定短能脩內外先雙遣逍遙便

一遊堯臣猶歷夏曹后不知秋勁節冥靈老淨  
生日及休共慙相企尚多恐暫拘留有待何稱  
善無爲我道周榮公于祿笑列子御風憂好是  
無名客茫茫六氣幽

堯讓章

述曰堯帝舉炬火浸灌之喻將讓天下於許由許由說鷓鴣偃用之心更歸堯帝於天下聖人賢者性命雖殊黃屋青山逍遙尚一故叙堯許之有情明優遊之無別也

推賢堯授手寄身許慙顏四海君功大孤雲我  
性閑潁川清石水箕嶺老松山送日蔬食足臨

煙葦戶開既知尺祝用誰爲實賓煩鳳曆何無  
主龍飛欲早還鷓鴣從取樂浸灌莫辛艱向背  
優遊去形體一世間


菅家文章第四

無序

仁和二年正月十六日任讚岐守  
寬平二年不交替入京

Vertical text on the right edge of the page, likely a title or index.

Main body of vertical text on the right page, starting with '昔宋文公...'



Red vertical text at the bottom of the page, reading '文政三卯'.



